

---

Деҳқон бозори ва янги йил ярмаркалари фаолияти доимий назоратда  
Янги йил байрами шукуҳи кезиб юрган айна кунларда Ўзбекистон туманида ҳам  
“Янги йил ярмаркалари” ташкил этилганлиги ҳақида аввал ҳам хабар берган  
эдик.



Туман ҳокимлиги, секторлар раҳбарлари ҳамда иқтисодий жиноятларга қарши курашиш департаменти туман бўлими билан ҳамкорликда туман Деҳқон бозори қошида ташкил этилган мазкур савдо ярмаркаларига таъминотчи корхоналар ва фермер хўжаликлари бириктирилган.



Қишлоқ хўжалиги маҳсулотлари, чорва ва парранда гўшти, тухум, балиқ, шунингдек, бирламчи озиқ-овқат маҳсулотлари, мева-сабзавот ҳамда қандолатчилик маҳсулотлари сотилаётган савдо ярмаркаларида нархларнинг сунъий ва асоссиз равишда оширилишига йўл қўймаслик чоралари туман ҳокими ва сектор раҳбарларининг доимий назоратида.

**Ўзбекистон тумани ҳокимлиги Ахборот хизмати**

2020-12-23 09:05:31